



Komisija za vanjsku trgovinu i carine
Povjerenstvo za vanjsku trgovinu i carine
Broj:01/3-50-1-3-24/08
Sarajevo, 1. 9. 2008.godine

Комисија за спољну трговину и царине

Z A P I S N I K

24. sjednice Komisije za vanjsku trgovinu i carine Predstavničkog doma Parlamentarne skupštine Bosne i Hercegovine, održane 1. 9. 2008.godine

Sjednica je počela u 14 sati.

Sjednicom je predsjedavao prvi zamjenik predsjedavajuće Komisije Mehmed Suljkanović.

Sjednici su prisustvovali članovi Komisije: Hadži Jovan Mitrović, Slavko Jovičić, Jerko Ivanković Lijanović, Šemsudin Mehmedović i Salko Sokolović.

Odsustvo su opravdali: Snježana Rajlić, Ekrem Ajanović i Jozo Križanović.

Sjednici su prisustvovali: Hajrudin Podbičanin, pomoćnik ministra vanjske trgovine i ekonomskih odnosa BiH, Emira Češljarić, sekretar Komisije, i Radomir Marjanović, stručni savjetnik u Komisiji.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 23.sjednice Komisije;
2. Razmatranje Prijedloga zakona o izmjenama i dopuni Zakona o carinskoj politici BiH, predlagača Vijeća ministara BiH, radi dostavljanja izvještaja Predstavničkom domu u skladu s članom 111. Poslovnika Predstavničkog doma;
3. Tekuća pitanja.

Ad. 1. Usvajanje Zapisnika 23. sjednice Komisije

Zapisnik 23. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o izmjenama i dopuni Zakona o carinskoj politici BiH, predlagača Vijeća ministara BiH, radi dostavljanja izvještaja Predstavničkom domu, u skladu s članom 111. Poslovnika Predstavničkog doma

Predsjedavajući sjednicom Mehmed Suljkanović upoznao je prisutne da je Predstavnički dom na 33. sjednici usvojio Zakon o izmjenama i dopuni Zakona o carinskoj politici BiH u prvom čitanju te da na tekst Prijedloga zakona nije bilo amandmana.

Komisija je jednoglasno prihvatila Prijedlog zakona o izmjenama i dopuni Zakona o carinskoj politici BiH i predložit će Predstavničkom domu njegovo usvajanje.

Ad. 3. Tekuća pitanja

Jerko Ivanković Lijanović upoznao je prisutne da je ponovo Predstavničkom domu, 1.9.2008., uputio u parlamentarnu proceduru **Prijedlog zakona o zaštiti domaće proizvodnje**, s prijedlogom da se razmatra po hitnom postupku, na osnovu člana 127. Poslovnika Predstavničkog doma.

Nakon rasprave u kojoj su učestvovali svi prisutni, konstatirano je da je Komisija u nekoliko navrata pokušala određenim prijedlozima zaključaka inicirati podršku poljoprivrednim proizvođačima za stimulaciju u proizvodnji kroz carinske stope i akcize, ali da do sada nadležne institucije, tj. Vijeće ministara BiH, Upravni odbor UIOBiH i resorna ministarstava, nisu preduzele odgovarajuće mjere.

Konstatirano je da je stupanjem na snagu Sporazuma CEFTA i Sporazuma o stabilizaciji i pridruživanju EU značajno pogoršano stanje i ugrožena proizvodnja i u oblasti poljoprivrede i u privredi, te povećan vanjskotrgovinski deficit.

Imajući u vidu da je i na 32. sjednici Predstavničkog doma, održanoj 9. i 14. jula 2008., također razmatran u drugom čitanju Prijedlog zakona o zaštiti domaće proizvodnje, usvojen zaključak u tri tačke kojim su formulirane obaveze Vijeća ministara BiH i Ministarstva vanjske trgovine i ekonomskih odnosa BiH koji do sada nisu upoznali Dom o preduzetim mjerama, te je predloženo da članovi Komisije održe sastanak s predstavnicima Vijeća ministara BiH i Kolegijem Predstavničkog doma.

Komisija je jednoglasno **z a k l j u č i l a** da se sastanak održi s članovima Kolegija Predstavničkog doma, predsjedavajućim i zamjenicima predsjedavajućeg Vijeća ministara BiH, ministrom vanjske trgovine i ekonomskih odnosa BiH i predsjedavajućom i zamjenicima predsjedavajuće Komisije za vanjsku trgovinu i carine.

Na sastanku bi trebalo da budu dogovoreni i usaglašeni mehanizmi za djelovanje Vijeća ministara BiH kroz program i usvajanje odluka o zaštitnim mjerama zbog prekomjernog uvoza na bh. tržište koji je nastao primjenom Sporazuma CEFTA i Sporazuma o stabilizaciji i pridruživanju EU, čime je nanescena šteta domaćim proizvođačima.

Sastanak je potrebno organizirati u roku dvije sedmice.

Sjednica je završena u 15 sati.

Sekretar Komisije
Emira Češljarić

Prvi zamjenik predsjedavajuće Komisije
Mehmed Suljkanović